

Служба с акафистом

святителю

Игнатию

Брянчанинову



САТИСЪ

А. В. Блинский

**Служба с акафистом святителю
Игнатию Брянчанинову**

Православное издательство "Сатись"

2007

Блинский А. В.

Служба с акафистом святителю Игнатию Брянчанинову /
А. В. Блинский — Православное издательство "Сатись", 2007

ISBN 5-7868-0065-2

В предлагаемое читателю издание включены служба святителю Игнатию, акафист и избранные поучения о молитве.

ISBN 5-7868-0065-2

© Блинский А. В., 2007
© Православное издательство
"Сатись", 2007

Содержание

Служба Святителю Игнатию Брянчанинову, епископу Кавказскому и Черноморскому	6
На малой вечерни	7
На Господи воззвах Стихиры на 4, глас 2	7
На стиховне стихиры, глас 1:	7
На Велицей Вечерни	8
На Господи воззвах, стихиры, глас 5:	8
Вход. Прокимен дне. И чтения три святительская	8
На литии стихиры, глас 1:	8
На стиховне стихиры, глас 6:	9
Тропарь, глас 8:	9
Ин тропарь, глас тойже:	9
На Утрени	10
На Бог Господь, тропарь праздника дважды	10
По 1-м стихословии седален, глас 2:	10
По 2-м стихословии седален, глас 8:	10
По полиелеи седален, глас 5:	10
По 50-м псалме стихира, глас 6:	10
Канон праздника и святителя, глас 8:	10
Песнь 1	10
Песнь 3	11
Конец ознакомительного фрагмента.	12

Служба с акафистом святителю Игнатию Брянчанинову

© Издательство «Сатисъ», 2007

**Служба Святителю Игнатию Брянчанинову,
епископу Кавказскому и Черноморскому**

Месяца априллия в 30-й день

На малой вечерни

На Господи воззвах Стихиры на 4, глас 2

Подобен: Егда от древа:

Святителю Игнатию пречудне, бысть Фиваида Российская земля северная, иноческих подвигов и трудов твоих начало, идеже Подвигоположника Господа Иисуса, в молитвенном делании тебе укрепляющая, обрел еси.

Егда, в возраст пришед, начальник монахов соделался еси, тогда обитель северная во имя Сергия преподобного прият тя, отче, и тамо познал еси меру скорбей великих и болезней тяжких, таже и утешения от присных братий твоих, и посещения являшагося ти Духа Утешителя сподобился еси.

Страны южная, близ Понта лежащая, послушанием Святей Церкви достигл еси, отче, во святительстве звание твоем явился еси отец и наставник народов и племен Кавказских, жаждавших слова Христова.

Егда же время отшествия твоего приближися, святителю Господень Игнатию, тогда во обитель иночестей на бреже Волжстем, труды слова и молитвы полагая, со упованием к Богу отшел еси, в Немже обрет покой и мир мног.

Слава и ныне, праздника.

На стиховне стихиры, глас 1:

Подобен: Небесных чинов:

Учеными отца духовного наставляемь, отче Игнатию, правилом жизни иноческия обучался еси и, в послушаниях различных упражняяся усердно, путь святых совершил еси.

Стих: Честна пред Господом смерть преподобных его.

Мудрость стяжав духовную, такожде и знание писаний отеческих, чада послушания во множестве приобрел еси, отче, ихже к Царству Небесному и Вечному духовно руководил еси.

Стих: Блажен муж, бойся Господа, в заповедех Его восхощет зело.

Возлюбив душу ближняго твоего, еже ко Господу Спасу привести ю, любовь духовную к чадам твоим являя, псаломски восклицал еси: приидите, чада, послушайте мене, страху Господню научу вас.

Слава и ныне, праздника.

Тропарь писан на велицей вечерни.

На Велицей Вечерни

Блажен муж: 1-й антифон.

На Господи возвах, стихиры, глас 5:

Подобен: Радуйся:

Радуйся и веселися светло, землё Российской, новаго святителя Божия, Игнатия, явившая, иже веру Христову писаньми своими изъясни и, законы Духа восписуя, стезю жития духовнаго ясно содела.

Радуйся, святителю Игнатие предивне, измлада путь заповедей Христовых возлюбив, избранник Господень предивен явился еси, горнило же искушений и бед пришед, учитель православным людем показася, жизни вечныя законы духовныя изъясняя.

Радуйся, иже во иночестем чине имя Богоносца восприял еси, сице и сам, святителю Игнатие, скорби и болезни, яко священномученик, терпя, чрез вся житие твое Имя Христово внутрь сердца своего запечатлел еси, молитвою непрестанною укрепляясь.

Радуйся, святителю Христов богумудре, Бога истиннаго и жива взыскав, даже до конца дней твоих предстоял еси Христу, молитвою непрестанною и любовью укрепляясь, таже терпением скорбей находящих утверждаясь.

Слава, глас 4:

К правде вечней и жизни некончаемой устремился еси, святителю Игнатие пречудне, и сия ближним твоим исповедуя, к любви Божией призывал еси, ныне же в незаходимей славе жития непрестающего в Царствии Христове сияеши.

И ныне, праздника.

Вход. Прокимен дне. И чтения три святительская

Притчей чтение: Память праведнаго:

Притчей чтение: Уста праведнаго:

Премудрости Соломона чтение:

Праведник, аще постигнет:

На литии стихиры, глас 1:

Мысль спасительную, еже последовати учению святых отец, нарекл еси, отче преподобне, звезду твою, путеводствующую тя и освещающую тесный путь ума и сердца твоего к Богу.

Мысль благая, путеводствующая тя, отче богумудре, на источники воды живыя привеле во обители иноческия, идеже в подвизех многих Бога приобрел еси.

Слава, глас тойже:

Страну истины обрел еси, отче преподобне, учение святых отец, и, тех писанием чрез все житие твое усердно последовав, зывал еси: сии суть звезды Небесныя, испущающия согласный и единый свет, сии суть корабли, идущии к пристани единой, сей лик, воспевай единую Божественную песнь, и, тех учению следуя, душу твою к вечней жизни управил еси.

И ныне, праздника.

На стиховне стихиры, глас 6:

Песнь священную воспел еси, преподобне отче, под сению Креста Господня, песнь хвалы и благодарения, темже и людем Божиим, в странствии сущим, воздавати хвалу Богу у подножия Древа Крестнаго помози твоими молитвами.

Стих: честна пред Господем смерть преподобных его.

Изяснил еси нам, отче, писания твоими, что есть чаша Христова. Сию чашу скорбей и напастей, отче преподобне, яко дар Божий, с благодарением приимати в житии нашем помози нам твоими молитвами.

Стих: Священницы Твой облечутся в правду, и преподобнии Твой возрадуются.

Житейское море страстей и скорбей душею твердою прешел еси, яко кораблем, темже души наша, волнами греховными обуреваемы, сохрани в спасительном корабле Церкви Христова, яко молитвенник изрядный.

Слава, и ныне, праздника.

Тропарь, глас 8:

Православия поборниче, / покаяния и молитвы делателю и учителю изрядный, / архиреев богодухновенное украшение, / монашествующих славо и похвало: писания твоими вся ны уцеломудрил еси. / Цевнице духовная, Игнатие богомудре, моли Слова Христа Бога, / Егоже носил еси в сердце твоём, / даровати нам прежде конца покаяние.

Ин тропарь, глас тойже:

Избранник возлюблен Христови явился еси, / Тому скорбми многими и молитвою непрестанною прилепився, / благодать Духа Святаго стяжав, учитель изряден людем был еси. / Поминай нас, святителю Игнатие, богонбсе Российский, / да учении и молитвами твоими покаяние спасительное обрящем / и любовь сердечную Христу усвоимся.

На Утрени

На Бог Господь, тропарь праздника дважды

Слава, святителя. И ныне, праздника.

По 1-м стихословии седален, глас 2:

Молитвами и скорбьми многими в житий твоём Христу соединився, учитель изряден и помощник людем твоим явился еси, святителю Игнатие, моли о чтущих память твою блаженне.

Слава, и ныне, праздника.

По 2-м стихословии седален, глас 8:

Рекл еси, отче: еже размышляти о вочеловечении Бога Слова, о спасительных страданиях и Воскресении Его, степень есть видения духовнаго, юже молитвами твоими сподоби ны стяжати, отче преподобне.

Слава и ныне, праздника.

По полиелеи седален, глас 5:

Подобен: Преподобне отче:

Преподобне отче, святителю всечестне, ты учил еси, яко молитва, вера правая и терпение скорбей потребны, во еже спастися. Помози нам, святче Божий, да учеными твоими ограждаеми, спасение душ наших улучим.

Слава, и ныне, праздника.

По 50-м псалме стихира, глас 6:

Познал еси тайну святых трапезы Господни в сиянии светила великаго: якоже солнце, учил еси, во всяцей капли росы отображено есть, такожде и в трапезе Господни кийждо приобщен есть Христу всецело по Божеству и человечеству. К сему же таинству со страхом Божиим и неосужденно приступати твоими молитвами, святе Игнатие, нас сподоби.

Канон праздника и святителя, глас 8:

Песнь 1

Ирмос: Колесницегонителя фараоня погрузи чудотвори иногда Моисейский жезл, крестообразно поразив и разделив море, Израиля же беглеца, пешеходца, спасе, песнь Божии воспевающая.

Путь духовный, к Богу Живу ведущий, прешел еси, святителю Игнатие, ясно указуя нам, како подобает стезю жития земнаго переходити, учению Христову внёмлюще.

Первую ступень в лестнице добродетелей Евангельских, нищету духовную, узрел еси, отче, и той последовати, тую возлюбити, тую пути духовнаго начало полагаати завет твой дал еси.

Нищета́ дѹха, рекл еси́, соль есть всех жертв дѹховных, нищета́ бо дѹха блаженство наре-
чѣся со Святѣм Евѡнгелии Христовѣ, ѣйже еси́ прѡчии блаженства, кротость, милосѣрдие,
сѣрдца чистота́, послѣдуют и еѹ соверша́ются.

Богороди́чен: Мѡти Свѣта, Пречистѡя Богороди́тельнице, житиѣ спаси́тельно на земли с
Сѡном и Бѡгом Твоим соверши́вшая, нас, недостѡйных, укрепи́, от грехѡв изба́ви и к пра́вде
вѣчной шѣствовати утверди́.

Песнь 3

Ирмос: Небѣснаго кру́га Верхотворче, Гѡсподи, и Цѣркве Зижди́телю, Ты мене́ утверди́ в
любви́ Твоѣй, желѡний краю́, вѣрных утвержде́ние, Еди́не Человеколю́бче.

Пра́вду Христовѹ в жити́и своѣм восписѹя, святителю́ Христов Игна́тие, обре́л еси́ на
пути́ сем, ѣже пла́кати и рыда́ти о содѣянных злых и к Спаси́телю ми́ра притека́ти.

В ю́ности пла́чем ино́ческим го́рце воспла́кал еси́ в кѣллии своѣй о разруше́нии хра́ма
сѣрдца челове́ческаго, Бѡгом созданнаго Богослуже́ния возвы́шеннаго ра́ди, о пленѣнии души́
и ума́, от сих же всех то́кмо еди́нем Богочелове́ком Спаси́телем изба́вимся.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.